

Na osnovu člana 4.2. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 57. stav (7) Pravilnika o licencama ("Službeni glasnik BiH", broj 87/12), na sjednici održanoj dana 20. novembra 2014. godine, donijeta je

## **ODLUKA O SUSPENZIJI LICENCE**

- 1) Suspenduje se licenca za obavljanje djelatnosti međunarodne trgovine električnom energijom Društvu "Korlea", d.o.o. Mostar, izdata Odlukom Državne regulatorne komisije za električnu energiju broj: 05-28-12-254-18/10 od 27. januara 2011. godine.
- 2) Licenca iz tačke 1. ove odluke suspenduje se na neodređeno vrijeme.
- 3) Ova odluka stupa na snagu danom donošenja i bit će objavljena u "Službenom glasniku BiH" i službenim glasilima entiteta.

### *Obrazloženje*

Odlukom Državne regulatorne komisije za električnu energiju (DERK), broj: 05-28-12-254-18/10 od 27. januara 2011. godine, Društvu "Korlea", d.o.o. Mostar izdata je licenca za obavljanje djelatnosti međunarodne trgovine električnom energijom, na period od 1. aprila 2011. godine do 31. marta 2016. godine.

Shodno uvjetima za korištenje licence vlasnik licence je obavezan da permanentno održava ekonomske i finansijske sposobnosti tokom cijelog perioda trajanja licence. Podnošenje prijedloga za otvaranje stečajnog postupka od strane samog vlasnika licence, međutim, ozbiljno dovodi u pitanje stabilnost i platežnu sposobnost vlasnika licence koju u dužem periodu iskazuje i ne plaćanjem regulatorne naknade propisane Odlukom DERK-a ("Službeni glasnik BiH", broj 73/13),

Osim što je, prema pravilima i propisima DERK-a, propuštanje plaćanja regulatorne naknade samo po sebi razlog za suspenziju licence, isto je čvrsta i pouzdana indikacija da na strani vlasnika licence izostaje ekonomska i finansijska sposobnost da ispoštuje obaveze utvrđene Uvjetima za korištenje licence za obavljanje djelatnosti međunarodne trgovine električnom energijom, suprotno odredbi 3.1. i 7.1. Uvjeta.

Cijeneći da ekonomska i finansijska nesposobnost licenciranih subjekata može imati negativne konsekvence po druge subjekte u sektoru električne energije, funkcioniranje tržišta električne energije i kvalitet snabdijevanja električnom energijom, na osnovu člana 57. stav (7) Pravilnika o licencama, odlučeno je kao u dispozitivu ove odluke.

U skladu sa članom 9.2 Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana objave ove odluke.

Broj: 05-28-12-360-2/14  
20. novembra 2014. godine

Tuzla

Predsjedavajući Komisije

Nikola Pejić